

Հաստատում եմ՝
Ավանդական բժշկության
համալսարանի
ռեկտոր, Գ.Խ. Նախագահ



20/13թ.

ԿԱՆՈՆԱԿԱՐԳ

ԱՎԱՆԴԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ ՊՐՈՖԵՍՈՐԱԴԱՍՏԱԽՈՍԱԿԱՆ ԿԱԶՄԻ ՁԵՎՎՈՐՄԱՆ ԵՎ ԱԶԱՏՄԱՆ

1. Ընդհանուր դրույթներ

- 1.1 Սույն կանոնակարգը սահմանում է հիմնական, համատեղության և ժամավճարային կարգով համալսարանում պրոֆեսորադասախոսական կազմի ձևավորման, աշխատանքի ընդունման, ազատման կարգը:
- 1.2 Համալսարանի պրոֆեսորադասախոսական կազմի աշխատանքի ընդունումը, ազատումը, դասավանդողների հետ իրավահարաբերությունները կարգավորում են պայմանագրային հիմունքներով՝ ՀՀ աշխատանքային օրենսդրությամբ սահմանված կարգով և սույն կանոնակարգով:

2. Պրոֆեսորադասախոսական տարակարգեր

- 2.1 Համալսարանի պրոֆեսորադասախոսական կազմում ընդգրկված են հետևյալ տարակարգերը՝ պրոֆեսոր, դոցենտ, ավագ դասախոս, դասախոս և ասիստենտ:
- 2.2 Պրոֆեսորի պաշտոնում կարող են նշանակվել անձինք, ովքեր ունեն համապատասխան մասնագիտության դոկտորի գիտական աստիճան և /կամ պրոֆեսորի գիտական կոչում:
- 2.3 Դոցենտի պաշտոնում կարող են նշանակվել անձինք, ովքեր ունեն համապատասխան մասնագիտության գիտական աստիճան և /կամ դոցենտի գիտական կոչում:
- 2.4 Ավագ դասախոսի պաշտոնում կարող են նշանակվել գիտական աստիճան ունեցող կամ համապատասխան մասնագիտության գծով ասպիրանտուրան կամ օրդինատուրան ավարտած անձինք:
- 2.5 Դասախոսի կամ ասիստենտի պաշտոնում կարող են նշանակվել անձինք, ովքեր ունեն դիպլոմավորված մասնագետի կամ մագիստրոսի որակավորման աստիճան:
- 2.6 Համալսարանում վարչական աշխատանքով զբաղված դասախոսները համատեղության կարգով կարող են պահպանել պրոֆեսորադասախոսական իրենց տարակարգը և մասնակցել պրոֆեսորադասախոսական պաշտոնների տեղակալման գործընթացին:

3. Պրոֆեսորադասախոսական կազմի պաշտոնների նշանակման չափանիշները

3.1 Պրոֆեսորադասախոսական կազմի պաշտոնների տեղակալման չափանիշներն են՝

- բարձրագույն և/կամ հետբուհական մասնագիտական կրթության որակավորումը
- գիտական աստիճանը, գիտական կոչումը,
- ուսումնական, մանկավարժական փորձառությունը, գիտահետազոտական, ուսումնամեթոդական գործունեության ձևերը և արդյունքները,
- որակավորման բարձրացումը և վերատրակավորումը,
- դասավանդողի գործունեության արդյունավետության գնահատումը:

3.2 Ըստ տարակարգերի սահմանված են ուսումնական, գիտահետազոտական գործունեության հետևյալ չափանիշները.

- *Պրոֆեսորի համար:* Պրոֆեսորի պաշտոնին կարող են հավակնել պրոֆեսորի գիտական կոչում կամ դոկտորի գիտական աստիճան ունեցող անձինք:

Պրոֆեսորի պաշտոնի համար սահմանվում են ուսումնական, գիտահետազոտական և կազմակերպչական գործունեության հետևյալ ձևերը՝ դասախոսությունների և գործնական պարապմունքների վարում, գիտական և ուսումնամեթոդական աշխատանքների, ուսումնական ձեռնարկների պատրաստում և հրատարակում, զեկուցումների պատրաստում հանրապետության և միջազգային գիտաժողովների շրջանակներում, ամբիոնի գիտահետազոտական և ուսումնամեթոդական աշխատանքների մասնակցություն, ուսանողների գիտական աշխատանքների ղեկավարում:

- *Դոցենտի համար:* Դոցենտի պաշտոնին կարող են հավակնել դոցենտի գիտական կոչում կամ գիտությունների թեկնածուի գիտական աստիճան ունեցող անձինք:

Դոցենտի պաշտոնի համար սահմանվում են ուսումնական, գիտահետազոտական և կազմակերպչական գործունեության հետևյալ ձևերը՝ դասախոսությունների և գործնական պարապմունքների վարում, գիտական և ուսումնամեթոդական աշխատանքների իրականացում, ուսանողների գիտական աշխատանքների ղեկավարում, հետազոտական աշխատանքների կազմակերպում և իրականացում, հանրապետական և միջազգային գիտաժողովներում զեկուցումների ներկայացում, ամբիոնի ուսումնամեթոդական և գիտահետազոտական աշխատանքների մասնակցություն:

- *Ավագ դասախոսի համար:* Ավագ դասախոսի պաշտոնին կարող են հավակնել գիտական աստիճան ունեցող կամ համապատասխան մասնագիտության գծով ասպիրանտուրան ավարտած անձինք:

Ավագ դասախոսի պաշտոնի համար սահմանվում են ուսումնական, գիտահետազոտական և կազմակերպչական գործունեության հետևյալ ձևերը՝ դասախոսությունների և գործնական պարապմունքների վարում, գիտական և ուսումնամեթոդական աշխատանքների իրականացում, ուսանողների գիտական աշխատանքների ղեկավարում, հետազոտական աշխատանքների կազմակերպում և իրականացում, հանրապետական և միջազգային գիտաժողովներում զեկուցումների ներկայացում, ամբիոնի ուսումնամեթոդական և գիտահետազոտական աշխատանքների մասնակցություն:

- *Դասախոսի կամ ասիստենտի համար:* Դասախոսի կամ ասիստենտի պաշտոնին կարող են հավակնել գիտական աստիճան ունեցող կամ համապատասխան մասնագիտության գծով մագիստրոսի կամ դիպլոմավորված մասնագետի որակավորում ունեցող անձինք: Դասախոսի կամ ասիստենտի պաշտոնի համար սահմանվում են ուսումնական, գիտահետազոտական և կազմակերպչական գործունեության հետևյալ ձևերը՝ դասախոսությունների և գործնական պարապմունքների վարում, քննությունների և ստուգաքննների անցկացում, անհատական աշխատանքների ղեկավարում, գիտահետազոտական և ուսումնամեթոդական գործունեության իրականացում:

4. Պրոֆեսորադասախոսական կազմի ձևավորման կարգը

- 4.1 Պրոֆեսորադասախոսական կազմը համալրվում է մասնագիտական ամբիոնի համապատասխան հիմնավորմամբ ներկայացրած թեկնածուի առաջադրմամբ և ընտրությամբ:
- 4.2 Պաշտոնի հավակնորդի թեկնածության համապատասխան հիմնավորումը և հավակնորդի կողմից անհրաժեշտ փաստաթղթերը ամբիոնի վարիչի կողմից ներկայացվում է համալսարանի ուսումնական աշխատանքների գծով պրոռեկտորին, ով փաստաթղթերի փաթեթը ուսումնասիրելուց հետո ռեկտորի հաստատմանն է ներկայացնում հավակնորդի թեկնածությունը: Ռեկտորի դրական որոշման դեպքում աշխատանքային պայմանագիր է կնքվում հավակնորդի և համալսարանի միջև:
- 4.3 Բոլոր թափուր պաշտոնների տեղակալումն իրականացվում է ըստ աշխատանքային պայմանագրի:
- 4.4 Հավակնորդը դիմումին կից ներկայացնում է հետևյալ փաստաթղթերը
 - անձնական թերթիկ՝ լուսանկարով,
 - անձնագրի պատճենը,
 - սոցիալական քարտի պատճենը,
 - աշխատանքային գրքույկի քաղվածքը,
 - ինքնակենսագրությունը,
 - գիտական աշխատությունների ցուցակը,
 - վավերացված դիպլոմի պատճենը,
 - վավերացված դիպլոմի միջուկի պատճենը,
 - վավերացված գիտական աստիճանը հաստատող փաստաթղթի պատճենը,
 - վավերացված գիտական կոչումը հաստատող փաստաթղթի պատճենը,
 - վերապատրաստումները հաստատող փաստաթղթեր:

5. Պայմանագրի լուծումը

- 5.1 Պրոֆեսորադասախոսական կազմի հետ պայմանագրի լուծման հիմք կարող են լինել՝
 - համալսարանի հետ կնքած պայմանագրում նշված պարտականությունները չկատարելը կամ ոչ պատշաճ կատարելը,
 - ամբիոնի մասնագիտական եզրակացությունը,
 - ՀՀ օրենսդրությամբ նախատեսված այլ դեպքերում: